

“DIE BLINKKLIPPIE”

WEEKLIKSE NUUSBRIEF VAN GEREFORMEERDE KERK POSTMASBURG

(Jaargang 20 - nr. 7.)



"Die Woord het mens geword en onder ons kom woon. Ons het sy heerlijkheid gesien, die heerlijkheid wat Hy as die enigste Seun van die Vader het, vol genade en waarheid."

Johannes 1:14

16 Februarie 2020 (Voorbereiding)

HARTLIK WELKOM!

Dit is waarlik 'n voorreg om weer vanoggend as gemeente saam die Here te kan dien.

EREDIENS VANOGGEND: Dr Petrus Venter

Voorsang:

Ps. 31 :15,19

Ontmoetingsdiens:

Votum en seën

Sing: Ps. 48:1,4

Belydenis van geloof

Verootmoediging- en versoeningsdiens:

Wet

Sing: Ps.19:7

Gebed

Woorddiens:

Sing: Ps. 138:2

Skriflesing: Jakobus 3:1-12

Teks: Jakobus 3:1,6,9-10

Preektema:

Die tong so wonderlik maar ook so dodelik

Antwoorddiens:

Gebed

Liefdesdiens kollekte: In die banke- DVB

By die deure- Teologiese Studentekas

Sing: Ps.40:2,3

Wegstuurseën

Preekskets:

In wat Jakobus 3 mee begin, kan baie hiervan nie van Jakobus 1 losgemaak word nie. U onthou dat Jakobus beskou geloof as 'n gawe van God, dit kom van die Vader van die ligte. Die Vader wat Self nie verander nie, maar in sy gee van gawes is daar ook geen verandering nie (Jak 1:17). Ja, God gee volmaakte gawes (soos ook volgende Sondag se Nagmaal) maar wat ons as mense met God se gawes maak, is alles behalwe volmaak.

Ek moet in die geloof geleer kan word. Jy wil tog ook die een wees wat Jakobus 1: 18 beskryf het as *eersteling* van God. Om as eersteling van God te dien, om eersteling te wees van alles wat God geskep het, is hoor en doen en **praat** baie belangrik. Jakobus sien iemand wat preek as 'n leermeester. Dit is 'n man wat met sy woorde met groot verantwoordelikheid mee moet omgaan.

Nou laat Jakobus ons in hoofstuk 3 goed verstaan jou tong moet intoom gehou word en waar jy die koers aangee, waar jy ander moet leer, gebruik jou tong reg en versigtig. Met hierdie tema laat ons ons hoofgedagtes soos volg uiteensit.

Eerstens - Daar kan en mag nie baie tonge-leermeesters wees nie.

In die tweede plek – Die werklike kragte aan die tong verbind.

In die laaste plek- Hoe vernietigend kan ons tonge nie wees nie, dis verdelend en kan so geslepe wees.

KOLLEKTES

Vandag: 16 Februarie 2020 (Voorbereiding)

In die banke: **Diens van barmhartigheid**

By die deure: **Teologiese Studentekas**

Sondag: 23 Februarie 2020

- In die banke: **Diens van barmhartigheid**

By die deure: **Bediening vir Postmasburg**

WYK - DIENSBEURT

Vandag – 16 Februarie 2020– **Wyk 6 (Voorbereidingsdiens)**

- **Ouderling:** Br. Lukas Potgieter
- **Diaken:** Br. Michiel Burger
- **Wyksusters:** Sr. Mientjie Burger

Volgende week – 23 Februarie 2020 - **Wyk 7**

- **Ouderling:** Br. Jan Schoeman
- **Diaken:** Br. Nico Geldenhuys
- **Wyksusters:** Sr. Marthie Geldenhuys

MEELEWING

- Br Bertie Fourie en die familie van wyle sr Marie Fourie bly in ons gebede. Mag die Here julle dra en troos in die tyd van verlange en hartseer. Die troosdiens het Vrydag plaasgevind.
- Ons bid vir sr Nelize Boshoff/Mitchell wat met kanker gediagnoseer is.
- Mizahn Potgieter/Claassens wat geelsug opgedoen het, is by die huis. Ons gebed is dat sy spoedig weer volkome sal herstel.
- Ons dink aan sr Hettie Booyens wat Woensdag katarak-operasie moes ondergaan. Ons vertrou alles het goed verloop.
- Ons dink ook aan sr Kotie Riley wat in die proses is om ook katarak-operasie te moet ondergaan.
- Ons dink aan sr Annelie Williams wat nog las van haar rug het.
- Br en sr Tjaart en Bettie Snyman wie se gesondheid onderskeidelik met tye vir hulle groot uitdagings veroorsaak is in ons gebede nie vergete nie.

VERJAARSDAE

Sondag	Vandag	Br Johan Reinecke
Woensdag	19 Feb.	Br Jan Schoeman, jngsr. Mizahn Potgieter
Saterdag	22 Feb.	Sr Marie Nel, br. Dries v/d Walt, sr. Janika Reinecke
Sondag	23 Feb	Br Reitz Coetzee

Mag u 'n geseënde nuwe lewensjaar ingaan met die volle oortuiging dat ons tye is in die Here se hande.

GROENWATER-NUUS

Ons bedieningshulp in Groenwater het in die laaste maande weer kon hervat. Daar bly uitdagings maar ons vertrou in dit wat reeds hanteer is en aangespreek kon word, daar wel daarop voortgebou kan word. Oudl. Johannes Plaatjie sal vandag daar voorgaan.

ALGEMENE KERKNUUS

GKSA NUUSBROKKIES

Gaan laai gerus nuusbrokkies van ons webwerf af. Die jongste beroepenuus en vele meer is daarop beskikbaar soos weekliks aan ons deurgestuur. U kan dit van ons webwerf aflaai by: <http://bit.ly/2SxThy0>

DANKOFFERS

U kan die Bybelse beginsels en dit wat 'n prinsipiële uiteensetting van die opdrag tot 'n dankbaarheidslewe en dit wat ons dankoffers moet wees, van ons webwerf aflaai. U kan dit aflaai by <http://bit.ly/2D0uRqf>

Laat ons asseblief met die nodige erns wat ons voor die Here hiermee moet werk dan wel hieraan aandag gee. Al is ons in bitter swaar tye met 'n droogte ongekend en ekonomiese werklikhede so negatief as kan kom moet ons dankbaarheid voor die Here altyd eerste staan.

KATEGESE

Al die werk en ons roosters is op ons webwerf onder katekisasie gelaai. U kan dit aflaai by

<http://bit.ly/2KhypYe>

Katekisasie gaan vandag normaal voort

Laerskool-klasse vind Sondae na die ereediens by die kerk plaas.

Hoërskool-katekisasie vind Sondae 'n kwartier na die ereediens by die kerk plaas.

Belydenisklas vind Maandae om 17h00 plaas.

Ons volwasse katekiese klasse vind Maandae om 18h00 plaas. Reëlings met die katekisante sal steeds deur WhatsApp via ons kerkgroep deurgegee word.

KERKKANTOOR

Ons is opsoek na ou koerante by die kerkkantoor.

Kalenders is beskikbaar. Daar het 'n drukkersduiwel ingesluip by Maart 2020 met week nrs. en wyk nrs. Ons vra dat dit maar so gehanteer sal word soos gedruk.

DORKAS- SUSTERS

Huis Jan Vorster-mandjie – Toiletware vir ons inwoners in HJV kan in die groen mandjie voor in die portaal geplaas word. Hulle ondervind die laaste tyd veral 'n tekort aan **doeke, Prep en aqueous room**. Die inwoners het ook hulle hartlike dank uitgespreek vir dit wat alreeds geskenk is.

BYBELSTUDIE

Bybelstudie gaan die week normaal voort ...

Bybelstudie Maandag: 19h00 Aandgroep

Bybelstudie Dinsdag: 10h00 Oggendgroep

Ons gaan voort met die reeks rondom die gebede uit God se Woord.

DOPPER KOMBUIS

Kom kuier gesellig saam in ons tee-drink lokaal na die ereediens.

GEMEENTEKAMP

Merk die datum: 3 tot 5 April 2020

ALMANAK 2020

Die Almanakke wat reeds afgehaal is kan by die kantoor betaal word. Ons het ekstra kopieë uit Potchefstroom ontvang. U kan Kerkkantoor daarvoor skakel en ook u betalings maak.

SUSTERSAAMTREK 2020

Die Gereformeerde Kerk Upington nooi u hartlik uit na die Sustersaamtrek om 09:00, op 7 Maart 2020, te Gereformeerde Kerk Schröderstraat 145 Upington.

Intimiteit met God. Gasspreker: Dr Petrus Venter.

Verfkwas saam met Lizelle Spangenberg

Kostes R150 pp betaalbaar voor 5 Feb by die Kerkkantoor

KALENDER (JAARBEPLANNING) IN ELEKTRONIESE FORMAAT

As u graag u dagboek in elektroniese formaat op u selfoon wil plaas kan u op ons webwerf die toepassing en beplanning aflaai wat dit deur *Microsoft Outlook* vir u moontlik maak. Die inligting is gestoor op die Tuisblad onder die lêertjie pmg_calendar.ics

PRETORIA FM OPNAMES (MAAK MY U WEË BEKEND)

Uitsendings word op Sondae om 17h00 uitgesaai. Luisteraars kan in Postmasburg en in die grense van ons gemeente inskakel op TV oudiokanaal 887. U kan ook deur die internet luister by

<http://www.pretoriafm.co.za> Daar is ook webgrepe (potgooie) van die program op Pretoria FM se webwerf. U. kan daarna gaan by <http://bit.ly/2NuDyOX>

Vandag handel ons in die program wat dit beteken om God se "eersteling" te wees.

HUISBESOEK DEUR DIE PREDIKANT

In Februarie wil die predikant graag op wyk 6 konsentreer met huisbesoeke. Hy sal u kontak om afspraak vas te maak. As enigiemand uit van die ander wyke wel behoefte het dat hy vroeër by u moet uitkom, moet asseblief nie aarsel om hom te kontak nie.

ETIESE SAKE

Daar is 'n nuwe afdeling op ons webwerf bygevoeg met die bedoeling dat ons as gelowiges toegerus mag word om oor hierdie sake weer grondig na te dink en om onself daarvoor te verantwoord. Dit sluit in ou sake maar wat nuut oor gedink moet word. Onder andere ons beskouing oor ons huwelikslewe en gesinslewe. Dit gaan ook oor saamwoon vóór die huwelik... U kan daarna gaan by <http://bit.ly/2Q0Ccw1>

KERKRAADSAKE

VERGADERINGS:

Volgende kerkraadsvergadering vind DV hierdie week, 19 Feb. 2020 om 18h00 plaas.

KERKLIKE GEGEWENS

Gereformeerde Kerk Postmasburg

Posbus 74 Postmasburg

E-pos: admin@gksa-postmasburg.co.za

Tel: 053 313 3710

Landlyn Pastorie: Tel: 053 313 0571

Kerkkantoor ure: Maandae tot Vrydae 09h00 - 13h00

Predikant	Dr. Petrus Venter	084 704 2348	ds@gksa-postmasburg.co.za
Skriba	Oudl. Albertus Viljoen	082 808 4168	skriba@gksa-postmasburg.co.za
Admin Beampte	Sr. Koos Fick	082 821 2736	admin@gksa-postmasburg.co.za
Voorsitter: Diakonie	Diak.Dawie Schoeman	082 782 2537	dawie@xmedia.co.za
Koster	Br. Louis Calitz	083 775 3058	076 147 6772
Orrelis			
Kassiere	Oudl. Lukas Potgieter	079 695 0555	lukaskathu@gmail.com

Ons gemeente se webwerf en facebook-blad is soos volg:

<http://www.gkpostmasburg.weebly.com>

<http://bit.ly/2Ydk7wK>

STATISTIEKE VORIGE SONDAG

Erediens bywoning	41
Bydrae: Expando	R 594.90
Bydrae: Diens van Barmhartigheid	R 966.20

GEREFORMEERDE KERK BANKBESONDERHEDE – ALLE REKENINGE BY ABSA

Rekening	Rekeningnommer
Alle bydraes (Dankoffers)	2130-3400-35
Diakonie	2130-28-0008
Dorkas-susters	407-382-6782
Kermisinbetalings	90-9779-4784
Steak-ete inbetalings	91-4771-8016

Berigte vir Blinkklippie moet asseblief teen **Woensdag 16h00** per e-pos gestuur word na admin@gksa-postmasburg.co.za